

## **Ƙapiya Sēn Paulus Kevu Vu Ƙerisi-yi-alam Vu Pilipi**

<sup>1</sup> Ƙerisi Yesu yi hur sa Paulus geTimoti, balu ƙevu ƙapiya sēnē yōk vu ham Pilipi pin sēn Ƙerisi Yesu yi alam ham lo, ving ggev sēn denegin dub los alam sēn denelok vu ham lo. <sup>2</sup> Hil Amad Anutu luho Mehōbōp Yesu Ƙerisi degevonḡ semusēn vu ham bedegevonḡ ham ayomin ḡep revuh.

### *Paulus Kwa Vesa Vu Anutu*

<sup>3</sup> Sēn sa kwag nevo ham lo, og sa najom rak vu sa Anutu los kwag vesa in ham rot. <sup>4</sup> Lob sēn sa neketag vu Anutu bē doḡ vu ham lo, og sa neketag los ahēḡ nivesa in ham. <sup>5</sup> Sa kwag vesa in ham nelok vu sa gesa nanēr Bengō Nivesa rangah. Vu nyēdahis rot beberup gwēbeng. <sup>6</sup> Lob serak ni ggovek bē Anutu yō vonḡ huk nivesa loḡ ham ayomin vu nyē dahis, lob yō rēḡ medo gevonḡ rot begovek na doḡ buk sēn Ƙerisi Yesu duk nom lo.

<sup>7</sup> Log sēn sa kwag vesa in ham lo, og sagraḡ yoh vu. In buk vahi og sa nado ƙarabus, log buk vahi og sa nehevong huk in bē gadu Bengō Nivesa balam degevonḡ geving niwēek. Lob nelok buk saga pin, og ham kwamin nevo sa, om huk sēn sa nehevong banon nerak menesemu alam vahi lo, og yik ham nevong huk sagi ving behil kwad vesa loḡ ti, om sēn sa kwag nevo ham yoh vu buk pin. <sup>8</sup> Senēr yōnon negḡep Anutu mala bē sayog nepebip sa in bē senok galē ham pin, in sahēḡ neving ham nebē sēn Ƙerisi Yesu ahē neving ham lo. <sup>9</sup> Lob

sa najom raḵ in ham bē ham ahēmin geving ham niwēek rot noh vu buk pin bena meböpata jaḵ. Gesa najom raḵ ving bē ham natök vu kwa nivesa rot beham seggi ngaa pin, <sup>10</sup> in ham jaḵ ni nabē nivesa ma nipaya. Nabē saga in ham natu alam yohvu gengaa nipaya su gēp vu ham rē, rot bena berup doḵ buk sēn Kerisi duk nom lo. <sup>11</sup> Lob ngaa niröp sēn Yesu Kerisi yoh vu bē gevong banon jaḵ doḵ hil ayod lo napup ham ayomin rot. In sēnē rēḵ geḵo Anutu arē jaḵ nabē mehō niwēek los arē böpata.

*Paulus Ya Ḳarabus Lob Sēnē Loḵ Vu Bengö Nivesa*

<sup>12</sup> Arig lo, sa bē ham jaḵ ni nabē ngaa sēn tök vu sa agi, og su ggērin Bengö Nivesa rē. Gaḵ neloḵ vu meneya rot. <sup>13</sup> In alam-begö-yi pin sēn denegin mehō-los-bengö Sisar\* yi beggang lo, galam vahi pin, og derak sa niḡ ggovek ya bē seyam ḵarabus in Kerisi yi hur sa.

<sup>14</sup> Lob arig lo ngahisekē sēn ayoj neya timu vu Mehöböp lo kwaj nevo sa bē seyam ḵarabus, lob ayoj niwēek raḵ in sēnē, lob devuu ggönengsēn ya genij wēek raḵ medenēr Anutu yi gāgek rangah. <sup>15</sup> Yönon, sir vahi og ahēj nipaya in sarēg ya, lob denevong in bē dedahun sa, om sēn denenēr Kerisi yi gāgek rangah raḵ degwa sēnē, rēḵ sir vahi og ahēj nivesa medenenēr Kerisi arē los ayoj niröp. <sup>16</sup> Alam sēnē derak ni bē sa nado sēnē in bē sa gadu Bengö Nivesa, om sēn ahēj neving sa medenenēr gāgek rangah. <sup>17</sup> Rēḵ sir vahi og denenēr Yesu yi gāgek in bē degeḵo yö arēj jaḵ. Gaḵ ayoj su niröp rē. Yönon, denevong in bē debo maggin la doḵ na

geving vu sa dok karabus. <sup>18</sup> Rëk yik sagak ngaa meris. Bë denanër los ayoj niröp, ma su denanër los ayoj niröp rë, og yik ggovek. Denenër Kerisi yi gagek rangah, om sa kwag vesa in sënë, gesëk kwag vesa rot. <sup>19</sup> In serak ni bë ngaa sënë rëk dok vu sa besëk medo nivesa, in serak ni ggovek ya bë ham nejom rak yoh vu buk in bë dok vu sa, lob Yesu Kerisi yi Anon Vabuung gadu sa. <sup>20</sup> Sa navo kwag in ngaa timu, gesa hevong ving bë rëk anon jak nabë: Sa su rëk nig namum in ngaa sën sa nehevong ggëp dob lo ti rë. Gak nabë sa nadiik, ma nabë sa medo vesag, og sa bë gevong ngaa pin sënë los nig wëek in geko Kerisi arë jak. Vu pehi sënë, genoh vu buk pin. <sup>21</sup> In sa og sa kwag nevo nebë sënë: Nabë sa medo vesag og nivesa, in setu Kerisi-yi-alam ti ggovek ya. Gak nabë sa nadiik og nivesa rot, in sëk medo geving Kerisi yönon. <sup>22</sup> Rëk mu nabë sengo nahën medo vesag vu dob, og sëk gevong huk vahi geving banon jak, om mak sëk gevong nabë va? Sa dugin! <sup>23</sup> Sa kwag luu luu in sënë. Sa bë nadiik bena medo geving Kerisi in sënëk nivesa rot. <sup>24</sup> Gak mu nabë sengo nahën nemedo dob, og yik nivesa rot, in mëm sëk medo medok vu ham rë. <sup>25</sup> Om sa kwag neya timu meserak ni bë mak sëk medo vesag medok vu ham in ham gwevong geving niwëek bekwamin vesa rot. <sup>26</sup> Nebë saga, om nabë dekevelekin sa besenök berup vu ham gökin, og ham rëk kwamin vesa in begweko Kerisi Yesu arë jak pangsen.

*Alam Pilipi Losho Paulus Degebë Dok Ti  
MedengisBëgö In Bengö Nivesa*

<sup>27</sup> Rêk mu ham sepa dok Kerisi yi Bengö Nivesa niröp in nabë senök galë ham, og sejak ni. Ma nabë sa gango ham bengömin mu, og yik ggovek, gesëk gango nabë ham ahëmin neving ham menare loḵ ti, bayomin ti, beneloḵ vu ham menesis begö in Bengö Nivesa in bë na meniweëk jaḵ balam degevonḡ geving. <sup>28</sup> Sa hevongin bë gango ham bengömin nabë ham su nehönengin alam sën denekeyëh ham gagek lo rë. Gaḵ sa bë gango nabë ham nare niweëk. Bë ham bare niweëk nabë saga, og saga netato bë rêk malaj nama. Log netato ving bë Anutu rêk geḵo ham nah vu yi beham medo nivesa. <sup>29</sup> In Anutu su vo semusën sënë vu ham bë ham ayomin na timu vu Kerisi mu rë, gaḵ vo semusën ngwë vu ham bë kwerë maggin vahi geving in ham tu yi alam. <sup>30</sup> Yik hil nasis begö ggëp ti in Bengö Nivesa, nebë sën ham lë gesa nehevong wirek lo, genebë sën ham ngo bë sa nahën nehevong gwëbeng agi.

## 2

### *Hil Dahun Hil Gahëd Geving Arid Lo*

<sup>1</sup> Maḵ ham neḵo niweëk vu Kerisi? Kerisi ahë neving ham lom saga vonḡ beham ayomin to revuh-a? Gemak Anon Vabuung neduu hil tu alam yu timu? Gemak ham ahëmin neving mehönon gekwamin nevongin sir-a? <sup>2</sup> Om nabë nebë saga og mëm ham sepa dok kwa timu. Ham ahëmin geving ham anon rot, beham medo jevuh ti, beham malamin sepa huk timu. Bë ham gwevonḡ nabë saga, og ham rêk gwevonḡ besa kwaḡ vesa böpata rot. <sup>3</sup> Ham su kwamin bo ham mu beham gweḵo ham jaḵ. Gaḵ ham gurek alam vahi babuj

geham kwamin bo sir nabë dekesuu ham rak ngaa nivesa. <sup>4</sup> Geham su gwegin ham ngo ham ngaa mu, gaḵ ham gwegin mehö ngwë hir ngaa geving.

*Kerisi Dahun Yi Lob Anutu Ƙo Arë Rak*

<sup>5</sup> Ham kwamin bo ngaa nabë sën Kerisi Yesu nevonḡ lo.

<sup>6</sup> Anutu soḡek yi,  
rëḵ mu su kwa nevo bë najom aggata sën luho  
Anutu neggëp ti lo ahon rë.

<sup>7</sup> Gaḵ vuu aggata sënë ya getu mehönon rak,  
bevonḡ ngaa nebë hur meris.

<sup>8</sup> Tu mehönon bedelë yi nebë mehönon soḡek,  
rëḵ mëm yö dahun yi genesepa loḵ Anutu aye  
rot bediik.

Yönon, diik rak kelepeḵo\* nebë alam nij paya.

<sup>9</sup> Om sën Anutu ƴo yi rak, rak yiḵ degwa sënë,  
beko yi rak yah vavunë rot.  
Lob tung ggev ti sën kesuu ggev vahi pin lo rak  
yi.

<sup>10</sup> In nabë degengo Yesu arë,  
og alam pin vu yageḵ gevu dob gevu dob  
gebinë  
rëḵ dengun lusej vu yi.

<sup>11</sup> Log mehönon pin rëḵ denanër rangah doḵ ayej  
nabë:  
Yesu Kerisi tu Mehöböp.  
Gedegeḵo Ama Anutu arë jaḵ nabë saga.

*Hil Najëh Nabë Betuheng*

<sup>12</sup> Om sa mehö lo! Ham ngo medo gwevonḡ  
noh vu sayeg nabë sën ham nevonḡ aga. Yönon,  
sën sa nado ving ham wirek lo og ham nevonḡ,  
gaḵ gwëbeng sënë sengo nado adingnë, om ham

pasang gwevong nabë saga. Anutu ko ham yah vu yi om ham ayomin na timu beham göneng in yi begurek babu in mëm rëk geço ham nah vu yi beham medo geving yi vu tamusën. <sup>13</sup> In hil arak ni bë Anutu nevong huk lok ham. Yö nevër ham kwamin, lob mëm ham nevong ngaa yoh vu sën ahë neving lo.

<sup>14</sup> Log ngaa pin sën ham gwevong lo, og ham gwevong los nimin yes, gak ham su gwevong ayemin vu los gök ham in. <sup>15</sup> Ham gwevong nabë sënë in ngaa nipaya su gëp vu ham, gak ham medo niröp nabë sën Anutu nalu ham lo. Yönon, ham nedo lok alam nij paya los alam gagek tetuhinsën vuheng, rëk mu ham rëk najëh jak sir nabë betuheng. <sup>16</sup> Ham nanër gagek sën yoh vu bë gevong bemehönon demedo malaj-tumsën lo vu sir in mëm sa napsek in dok buk sën Kerisi duk nom dob lo. In sëk jak ni nabë sa su nevasap sa menehevong huk meris rë. <sup>17</sup> Alam Yuda denesis reggu tu seriveng, lob denekeseh wain rak ving, lob yik sën ham ayomin neya timu vu Kerisi lo nebë seriveng saga. Log nabë dengis sa, og yik ggovek, in sa nig kök rëk keseh nabë wain sën denekeseh rak ham seriveng lo, lob sëk kwag vesa geving ham. <sup>18</sup> Om yik ham kwamin vesa geving nabë saga behil kwad vesa dok ti.

### *Timoti Yi Gagek*

<sup>19</sup> Nabë Mehöböp Yesu kwa bo, og sëk gevong Timoti nök vu ham, lok mëm rëk nom nanër ham bengömin vu sa besa kwag vesa. <sup>20</sup> In su sa mehö ngwë nedo balu kwamin nevo ngaa neggëp ti nebë Timoti rë. Yö kwa nevo ham rot bë dok vu ham.

<sup>21</sup> Gaḵ alam vahi pin og yö denegin yö hir ngaa gesu kwaj nevo Yesu Kerisi yi huk rë. <sup>22</sup> Rëḵ Timoti og ham raḵ ni bë yi mehö nivesa beneloḵ vu sa in Bengö Nivesa nebë sën hurmahen ti neloḵ vu ama. <sup>23</sup> Sa bë gevong yi nöḵ pevis vu ham, rëḵ mu sejaḵ ngaa sën rëḵ natöḵ vu sa lo ni namugin loḵ mëm. <sup>24</sup> Rëḵ mu sa hevong ving bë Mehöböp rëḵ tateḵin aggata gesengo rëḵ nöḵ vu ham geving.

### *Epaproditus Yi Gagek*

<sup>25</sup> Log sa kwag nevo bë maḵ sëḵ gevong hil arid Epaproditus nah vu ham göḵin pevis. Wirek ham vong yi loḵ yah ham bömin beyam loḵ vu sa, balu nehevong huk loḵ ti galam desis begö vu aluu in Bengö Nivesa. <sup>26</sup> Rëḵ tum nevo kwa in ham bë nöḵ gelë ham. Gayo maggin rot in ham ngo bë nirak. <sup>27</sup> Yönon, nirak böpata lob dus raḵ bë nadiiḵ na. Rëḵ Anutu kwa vongin aluu beloḵ vu yi in bë su nadiiḵ besayoḵ maggin böpata rot rë. <sup>28</sup> Om sën sa kwag nevo rot bë sa gevong yi nöḵ pevis beham gwelë yi göḵin bekwamin vesa lob mëm sa maggin rëḵ ahë yes jaḵ teka geving. <sup>29</sup> Om ham gweḵo yi nöḵ vu ham los kwamin vesa in Mehöböp yi hur yi. Geham gweḵo alam nabë sënë arëj jaḵ. <sup>30</sup> Dus raḵ bë nadiiḵ doḵ Kerisi yi huk. In ham su yoh vu bë doḵ vu sa rë, om sën loḵ yah ham bömin beneloḵ vu sa, rëḵ töḵ vu niraksën sënë bedus raḵ bë nadiiḵ.

## 3

### *Mehöti Sën Ayo Na Timu Vu Kerisi Lo, Og Yi Mehö Yohvu Yönon*

<sup>1</sup> Arig lo, sa bë semu gagek sënë hus nabë ham kwamin vesa in Mehöböp. Sa nanër gagek timu

sënë yoh vu buk, rëk mu sa su rëk nig tebö jak in rë, in gagek saga rëk gadu ham. <sup>2</sup> Ham gwegin ham in alam sën denevong huk nipaya nebë anöö bemën lo. Ham gwegin ham in alam nij paya sën denevongin bë dekepë ham lo. Geham gwegin ham in alam sën denevongin bë degerah\* ham navimin in mëm ham natu Anutu-yi-alam lo. <sup>3</sup> In degwa su neggëp vu ngaa saga rë, gaḵ hil sagi og Anon Vabuung nelok vu hil behil nehako Anutu arë rak, om hil atu yi alam soḡek. Hil su kwad nevo navid rë, gaḵ hil napisek in Kerisi Yesu yö timu. <sup>4</sup> Yönon, maḵ sengo yoh vu bë kwag bo sa navig. Nabë mehö la kwaj nevo sën derah\* navij lo bë yoh vu bë geḵo sir nah vu Anutu, og seyoh vu bë nanër rot kesuu sir. <sup>5</sup> In satag ḵo sa lob buk tu nemadvahi-bevidek-löö lob derah\* sa navig. Saḵ Israel ti. Sa degwa vu Benyamin. Saḵ Hibru ti gesamag lu atag og Hibru ving. Log sa Parisai\* ti gesa nesepa loḵ Moses yi horek nebë sën sir lo. <sup>6</sup> Sa nig wëëk rot bë sa gevong Anutu yi huk, om sën wirek og sa nasis Kerisi-yi-alam rot. Rëk mu nabë mehöti seggi sa jak Moses yi horek, og rëk gelë nabë sa nesepa loḵ pin los dahis.

<sup>7</sup> Lob wirek sa hekuung bë ngaa pin sënë og ngaa böp rot, loḵ tum sehërin sa tu Kerisi yi mehö lob serak ni bë ngaa pin sënë og yik ngaa meris. <sup>8</sup> Sa su nanër rak Yuda hir ngaa mu rë. Gaḵ serak ni bë Kerisi Yesu tu sa Mehöböp, om sën sa nehalë ngaa vahi pin bë ngaa meris. Sa nesepa loḵ Kerisi vaha, besa hevuu ngaa vahi pin ya, besa nehalë nebë laa, gesa bë najom Kerisi ahon <sup>9</sup> benatu yi mehö. Yönon, Horek su yoh vu bë gevong besa natu mehö yohvu rë. Rëk sayog neya timu vu Kerisi, om sën



Anutu nër sa bë sa mehö yohvu, in Anutu nenër mehönon bë sir alam yohvu degwa rak sën ayoj neya timu vu Yesu lo. <sup>10</sup> Sa bë sejaḵ Kerisi ni yönon. Gesa bë gaḵo niwëëk vu yi in diiḵ gekedi rak yah. Sa hevongin bë gaḵo ḵerus nabë sën ḵo lo, gesa bë sa su kwag bo sa, gaḵ sa bë dahun sa nabë sën Kerisi dahun yi bediik lo. <sup>11</sup> Sa nehevong nebë sënë, in sa kwag nevo bë rëḵ gevong besëḵ ḵedi ḵaḵ nah gëp bedub geving.

### *Paulus Serög Niwëëk In Bë Geḵo Ḵupeḵ Nivesa Vu Yageḵ*

<sup>12</sup> Yönön, sa su kwag nevo bë sa nehevong ngaa pin saga niröp beseyoh vu ggovek ya rë. Gaḵ sengo nesepa loḵ ngaa pin sënë rot in bë sëḵ gaḵo nyëvewen nivesa sën Kerisi Yesu ggoin rak in bë gevong vu sa lo.

<sup>13</sup> Arig lo, sa su rëḵ gaḵo sa ḵaḵ nabë sa haḵo anon ggovek ya rë. Gaḵ yik sa nanër gageḵ timu sënë nabë: Sa hevuu ngaa wirek hen pin ya, gesa nehevong huk niwëëk in bë sa gaḵo ngaa tamusënyi. <sup>14</sup> Sa neserög niwëëk in bë sa natök na telig vewen sën lo medegebë sarëḡ, loḵ mëm Anutu tahi sa mesena vavunë megako nyëvewen ḵaḵ Kerisi Yesu yi huk. <sup>15</sup> Om hil sën Anutu nër hil nebë hil alam yohvu lo, hil pin kwad bo gageḵ gëp ti nabë hil gevong nabë sagi. Rëḵ nabë ham kwamin nevo gageḵ ngwë yööhu, og Anutu rëḵ tateḵin ham kwamin. <sup>16</sup> Rëḵ mu gageḵ anon sën hil nesepa loḵ agi, og hil ngo najom ahon menapiik vu.

<sup>17</sup> Arig lo, ham pin sepa doḵ sa vahag. Geham gwelë alam vahi sën denesepa loḵ sa lo geving nivesa, beham sepa doḵ he vahamin. <sup>18</sup> Senër

vu ham beron ngahisekë ggovek ya, log gwëbeng sak nanër vu ham gökin los malag bël nabë: Alam ngahisekë denelë Kerisi paya bedenevongin bë dedahun gagek sën netatekin yi kelepeko\* lo na. <sup>19</sup> Alam sënë malaj anon in nos los reggu lu ngaa rot bedeneko rak tu hir anutu. Denepisek in ngaa nimumsën aggagga, gekwaj nevo ngaa dob yi mu. Om alam sënë rëk malaj nama gëp Nyëg Nipaya. <sup>20</sup> Gak hil og hil atu alam-yagek-yi, lob hil nehegin bë Mehöböp Yesu Kerisi vu yagek meduk nom begeko hil nah. <sup>21</sup> Rëk gevong behil navid nipaya sënë pekwë yi bemalangeri jak nabë sën yö navi. Rëk gevong nabë sënë jak niwëek sën yoh vu bë getung ngaa pin degevek babu lo.

## 4

### *Paulus Nër Bë Ahëj Geving Sir Gekwaj Bo Ngaa Nivesa*

<sup>1</sup> Nebë sënë om arig lo, ham tu Mehöböp yi alam om ham ngo bare niwëek. Sahëg neving ham, besa nehevongin bë galë ham gökin. In sa kwag vesa in ham, geham vong bë sa sok sengii yi.

<sup>2</sup> Log hong Ewodia, gehong Suntuke, melu gwengo rë! Melu semu gagek in Mehöböp yi hur avëh meluu. <sup>3</sup> Log hong sën alu nehebë lok ti in huk-e! Sa nanër vu hong nabë gedok vu avëh luu sënë. In wirek og alöö nalok vu he in Bengö Nivesa ving Klement losho alam vahi sën he nehevong huk timu barëj neggëp lok kapiya-mala-tumsën-yi lo. <sup>4</sup> Ham kwamin vesa in Mehöböp jak buk pin, gesak nanër gökin nabë ham pasang kwamin vesa rot. <sup>5</sup> Ham gwevong balam pin dejak ham nimin nabë ham nejom ham ahon, geham su neko ham

raḁ rē. In Mehöböp yam dus raḁ ggovek ya. <sup>6</sup> Om ham su newamin jaḁ! Gaḁ nabē ham jaḁ vu in ngaa ti, og ham najom jaḁ bekwetaḁ vu Anutu in, lob ham najom jaḁ benanēr los kwamin vesa vu yi geving. <sup>7</sup> Loḁ mēm Anutu rēḁ gevong beham ayomin gēp revuh. Alam dob-yi dugin ngaa sēnē degwa besu detōḁ raḁ rē, rēḁ mu sēn ham ayomin gēp revuh lo rēḁ gevong beham ahēmin nivesa rot geham kwamin niröp jaḁ in Kerisi Yesu yi alam ham.

<sup>8</sup> Arig lo, sa bē nanēr gagek ti vu ham gökin nabē ham kwamin bo ngaa nabē sēnē noh vu buk: Ngaa pin sēn anon lo, gengaa sēn niröp lo, gengaa sēn neyohvu lo, gengaa pin sēn nivesa lo, gengaa sēn malangeri lo. Geham kwamin bo ngaa sēn hil galē nabē nivesa lo los ngaa pin sēn yoh vu bē hil gaḁo arē jaḁ lo. <sup>9</sup> Ngaa pineḁ sa tahu ham loḁ, lob ham ḁo ggovek ya, gengaa pin sēn sa nanēr los sa nehevong lo, og ham ngo los ham lē ggovek ya, om ham gwevong nabē saga noh vu buk. Nabē saga, lob Anutu sēn nevong behil ayod neggēp revuh lo rēḁ medo geving ham.

### *Paulus Kwa Vesa In Alam Pilipi*

<sup>10</sup> Sa kwaḁ vesa rot gesa napisek in ham vu Mehöböp, in ham nedo hus ading rēḁ gwēbeng ham kwamin vo sa beloḁ vu sa ggökin. Yönon, ham kwamin nevo sa wirek bē doḁ vu sa, rēḁ aggata su neggēp in bē ham gwevong nam rē. <sup>11</sup> Sa su bē rēḁ nanēr nabē sa naraḁ vu in ngaa rē. Gaḁ wirek og sa newaḁ neraḁ in ngaa sēn netōḁ vu sa lo, rēḁ gwēbeng og setu Yesu yi hur, lob sa nado revuh in ngaa pin. <sup>12</sup> Sehög ngaa bē paya teka, og

yik ggovek, genabë ngahisekë og yik ggovek. Log bë sega nos menajom sa ahon, ma meyip gevong sa, ma nabë senoh vu ngaa pin, ma sejaḵ vu in ngaa, og sa nehalë ngaa pin sënë bë yik neggëp ti, lob vu nyëg pin geyoh vu buk pin, og sayog sepëp. <sup>13</sup> Mehö sën lo negadu sa, lob seyoh vu bë gevong ngaa pin jaḵ niwëëk. <sup>14</sup> Rëḵ ham nevong nivesa, in ham nelok vu sa beham nekwerë sa maggin. <sup>15</sup> Yönon, ham alam Pilipi, ham ngo raḵ ni bë wirek sa nanër Bengö Nivesa vu distrik Masedonia nyëdahis lob ggovek gesa naya raḵ, rëḵ alam saga la su denevengwëng ving sa bë he dok vu he vewen vewen rë. Gaḵ ham mu sën mëm ham nevong.

<sup>16</sup> In sa nado Tesalonika wirek, lob ham nelok vu sa benevong kupek vu sa, rëḵ su beron timu rë. <sup>17</sup> Rëḵ saga su nebë sa malag anonin kupek rë. Gaḵ sa hevongin bë ham gwevong huk nivesa nabë sënë in gevong beham nyëvewen böp jaḵ besemu ham. <sup>18</sup> Lob gwëbeng og sa haḵo ngaa pin ggovek ya bengahisekë rot, beseyoh vu ggovek ya. Ham vong kupek vu sa bEpaproditus ko yam lok ya sa nemaḵ ggovek ya. Kupek sënë vong bë seriveng sën ham nevesi bereggu nivesa verup neya vu Anutu lo. Om Anutu rëḵ gelë nivesa nabë yi seriveng, lob ahë nivesa in. <sup>19</sup> Lob ham tu Kerisi Yesu yi alam, om sa Anutu rëḵ gegin ham nivesa in ngaa pin sën ham neraḵ vu in lo jaḵ ngaa nivesa vesa pin sën neggëp vu yi lo. <sup>20</sup> Om hil gaḵo hil Amad Anutu arë jaḵ na vavunë degwata los degwata. Yönon.

*Gagek Hus*

<sup>21</sup> Sa bë nanër na vu Kerisi Yesu yi alam pin nabë sa kwag nevo sir. Log hil arid lo sën denedo ving sa agi denër bë kwaj nevo ham ving. <sup>22</sup> Yönon, Anutu-yi-alam pin denër bë kwaj nevo ham. Gesir vahi sën denevong huk ggëp mehö-los-bengö Sisar\* yi beggang lo denër niwëek bë kwaj nevo ham ving. <sup>23</sup> Mehöböp Yesu Kerisi yi semusën nöc gëp geving ham kënumin.

**Gagek Mewis**  
**The New Testament in the Central/Mapos dialect of the**  
**Buang language of Papua New Guinea**  
**Nupela Testamen long tokples Buang Mapos long**  
**Niugini**

Copyright © 2003 The Bible Society of Papua New Guinea

Language: Buang, Central/Mapos (Buang)

Dialect: Central/Mapos

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 21 Feb 2024 from source files dated 31 Aug 2023

18a972db-abcc-5dc3-9031-f1d4455b33c3